



Broj: 01-2-09-34-II-790/24

Datum: 27.5.2024. godine

PREDMET: POZIV/ZAHTJEV ZA DOSTAVU PONUDA ZA ORGANIZOVANJE EKSKURZIJE ZA UČENIKE IX RAZREDA JU OSMA OSNOVNA ŠKOLA "AMER ĆENANOVIĆ" ILIDŽA U ŠKOLSKOJ 2024/2025. GODINI

Poštovani,

U ime JU Osma osnovna škola „Amer Ćenanović“ Ilidža pozivam Vas da dostavite ponudu za organizovanje ekskurzije za učenike IX razreda JU Osma osnovna škola „Amer Ćenanović“ Ilidža u školskoj 2024/2025. godini, u skladu sa Izvedbenim planom i programom i Pravilnikom o organizaciji i realizaciji izleta, studijskih posjeta, ekskurzija, kampovanja/logorovanja, društveno korisnog rada, škole u prirodi i drugih oblika odgojno-obrazovnog rada u osnovnoj i srednjoj školi („Službene novine Kantona Sarajevo“, broj 15/22)

- **Naziv ugovornog organa: JU Osma osnovna škola „Amer Ćenanović“ Ilidža**
Adresa: Ilirska broj 2, 71 210 ILIDŽA
Telefon/fax: 033/771--316, 033/771-321
Kontakt osoba: Edisa Radončić
- **Opis predmeta nabavke: Organizacija ekskurzije za učenike IX razreda JU Osma osnovna škola "Amer Ćenanović" Ilidža u školskoj 2024/2025. godini**
- **Bitne informacije o zahtjevanom turističkom paketu/aranžmanu:**
 1. Opis prijevoznog puta: Relacija Sarajevo - Konjic - Jablanica - Mostar – Zaostrog - Sarajevo
 2. Opis odredišta: Zaostrog
 3. Podaci o vrsti, položaju, kategoriji i udobnosti, te druge glavne naznake smještaja i ishrane: Smještaj u hotelu sa 3*, pravilna i zdrava ishrana primjerena učenicima osnovne škole;
 4. Opis hotelskog aranžmana/smještaja: 3 puna pansiona (doručak, ručak i večera); Svaki propušten obrok u hotelu, Agencija je obavezna obezbijediti lanč paket za sve učesnike.
 5. Vrsta prijevoznog sredstva, njegove naznake i razred: Prijevoz luksuznim turističkim autobusom (Klima, TV i WC);
 6. Ukupan broj dana i noćenja u aranžmanu: 4 dana i 3 noći;
 7. Datum, vrijeme i mjesto polaska i povratka:
 - Polazak je 1.10.2024. godine u ranim jutarnjim satima (prema dogovoru sa odabranom agencijom) iz Butmira, ulica Ilirska broj 2, Općina Ilidža i
 - Dolazak je 4.10.2024. godine u kasnim večernjim satima, na mjesto polaska;

8. Cijena aranžmana i iznos ili postotak od cijene koji se plaća kao avans i vremenski raspored za plaćanje preostalog iznosa:
Plaćanje avansa ne postoji, ukupan iznos sredstava se uplaćuje jednokratno ili u tri jednake rate (prva rata odmah nakon potpisivanja ugovora, druga rata neposredno pred putovanje i treća nakon usvajanja Izvještaja o realizaciji ekskurzije) i cijena aranžmana ne smije prelaziti iznos od 400,00 KM po učeniku sa uključenim PDV-om, a na kalkulaciji od cca 55 učenika;
9. Cijena (fakultativnih) usluga: Obavezno uračunata u ukupnu cijenu aranžmana;
10. U cijenu nisu uključeni samo individualni troškovi učesnika;
11. Izvor finansiranja ekskurzije: Sredstva koja obezbjeđuju roditelji/staratelji učenika;
12. Gratisi: Gratis putovanje za pratioce učenika iz škole - za četiri osobe koje odredi Škola.
13. Način plaćanja: Roditelji direktno uplaćuju na račun Agencije cijelokupan iznos ili u 3 jednake rate i to:
 - Prva rata odmah nakon potpisivanja ugovora,
 - Druga rata neposredno pred putovanje i
 - Treća nakon usvajanja Izvještaja o realizaciji ekskurzije(Agencija je dužna dati uputstvo o plaćanju troškova ekskurzije za svakog učenika pojedinačno);
14. Zahtjevi u pogledu zdravstvenog i putničkog osiguranja: Uključeno u cijenu (vidjeti pod stavkom ovog poziva: Minimalni zahtjevi putovanja);
15. Kratak opis zahtjeva za garanciju za ponudu i garancija za dobro izvršenje posla: Potpisana i ovjerena izjava (data kao prilog 1);
16. Kriterij za odabir kojima se uspostavljaju minimalni kvalifikacijski zahtjevi za ponuđače: Dokaz o posjedovanju odgovarajuće licence i dokaz o ispunjavanju drugih uslova za obavljanje registrirane djelatnosti (izjava u prilogu 2);
17. Agencija mora ispunjavati uslove iz Zakona koji uređuju turističku i ugostiteljsku djelatnost, obezbijediti osiguranje realizacije plana i programa ekskurzije koji je utvrđen Izvedbenim planom i ovim pozivom kao i poštivati sve odredbe ugovora koji će se potpisati nakon provedenog postupka;
Agencija je dužna da bi učestvovala u postupku odabira u javnom pozivu dostaviti određene dokaze :
 - posjedovanja odgovarajuće licence;
 - rješenja o sudskoj registraciji;
 - dokumentaciju kojom dokazuje reference i iskustvo o organizovanju i realizaciji odgojno-obrazovnih oblika rada.
18. Minimalni zahtjevi putovanja:
 - Obavezuje se Agencija da koristi samo ona prijevozna sredstva (vlastita prijevozna sredstva ili prijevozna sredstva u vlasništvu drugih pravnih i fizičkih lica koja su registrirana za obavljanje djelatnosti prijevoza putnika) u kojima su putnici i prtljag osigurani (putničko i zdravstveno osiguranje).

- Pri realizaciji putovanja moraju se koristiti autobusi odgovarajuće starosti (da autobusi nisu stariji od 10 godina), tehnički ispravni i pregledani, pod uslovom da njima upravljaju lica koja ispunjavaju zahtjeve u pogledu profesionalne obučenosti i kompetentnosti i za koje Agencija školi treba dostaviti pisani dokaz o psihofizičkoj sposobnosti za upravljanje autobusom (tehografske trake za prethodna dva dana od dana slanja ponude), u ponudi se može poslati izjava o navedenom, a data je kao prilog 3;
- Obaveza Agencije da osigura, a pravo škole da zahtijeva, prije realizacije putovanja dostavljanje pisanog dokaza o tehničkom pregledu autobusa (redovni tehnički pregled u posljednjih šest mjeseci i tehnički pregled obavljen pet dana prije putovanja),
- Obaveza Agencije da osigura potreban broj sjedišta u autobusu.
- Agencija je dužna da garantuje da će ugostiteljske usluge obavljati pravna lica koja ispunjavaju uslove za bavljenje ugostiteljskom djelatnošću (priložiti dokaz),
- Agencija je dužna da pruži siguran boravak učenicima, koristeći smještajne i ugostiteljske objekte koji zadovoljavaju određene standarde (kvalitet usluga smještaja, prehrane, sanitarno higijenskih i zdravstvenih zahtijeva pripremanja hrane i smještajnih sadržaja), priložiti dokaz
- Agencija je obavezna osigurati ugodan boravak učenicima, što dokazuje pisanim dokazima o kvalitetu smještajnih i ugostiteljskih usluga objekata (kategorizacija objekta), u kojima je planiran smještaj i ishrana učesnika

Navedeni dokazi mogu se dostaviti kao kopije. Ponuđač čija ponuda bude izabrana kao najpovoljnija dužan je u roku od 5 (pet) dana nakon prijema Odluke o izboru najpovoljnijeg ponuđača dostaviti originale ili ovjerene kopije dokaza.

19. Agencija je dužna obezbijediti usluge turističkog vodiča kao što je navedeno u opisu aktivnosti po danima. Za sve posjete znamenitosti svakodnevna je obaveza pratnje turističkog vodiča koji će biti angažovan od strane Agencije, a koji ima položen stručni ispit za turističke vodiče (izjava kao prilog 4);
20. Kriterij za dodjelu ugovora (kriterij za ocjenjivanje ponude): Najniža cijena tehnički zadovoljavajuće ponude;
21. Mjesto, datum i sat za dostavljanje, odnosno prijem ponuda (Krajnji rok za dostavu ponuda): Deset dana od dana objave poziva na službenoj web stranici škole, odnosno najkasnije do 6.6.2024. godine do 15:00 sati;
22. Mjesto, datum i sat za otvaranje ponuda: 6.6.2024. godine u 16,30 sati;
23. Minimalan period važenja ponude: Ponude važe do kraja procedure (izbora ponuđača, potpisivanja ugovora);
24. Uslovi za dobijanje tenderske dokumentacije: Tenderska dokumentacija je sastavni dio sadržaja ovog poziva i nije podložna naplati;
25. Uputstvo za formiranje ponude: Navesti precizno kao u stavci opisa aktivnosti za svaki dan posebno kao i ostale stavke ispoštovati u posebnim navodima;
26. Da li su dozvoljene alternativne ponude: Ne;
27. Opis aktivnosti i vrste sadržaja koje trebaju biti realizovani u toku trajanja ekskurzije:

1. dan odredište – Konjic – Jablanica – Mostar – Zaoštrog

Polazak u 08:00 sati ispred škole. Dolazak u Konjic i posjeta čuvenom Titovom bunkeru. Vožnja u pravcu Jablanice. Pauza u Jablanici za posjetu Muzeju „Bitka za ranjenike“. Vožnja prema Počitelju. Po dolasku slijedi obilazak znamenitosti. Nastavak vožnje prema Zaoštrogu. Dolazak u Zaoštrog u poslijepodnevnim satima. Večera. Zabava. Noćenje.

2. dan Zaoštrog – Split – Makarska

Doručak. Polazak na izlet u Split. Po dolasku slijedi razgledanje grada s pratiocem grupe: Dioklecijanova palata, Dioklecijanovi podrumi, Jupiterov hram, Narodni trg u Splitu, Zlatna vrata, Vodni trg, Splitska katedrala, riva. Nakon razgledanja historijske jezgre grada Splita, slobodno vrijeme za uživanje na splitskoj rivi ili obližnjem Marjanu koji predstavlja zelenu oazu tik do samog središta grada Splita. Ručak u Splitu. Odlazak do Shopping centra City Centre One. Povratak u Zaoštrog. Večera. Odlazak do Makarske u noćno razgledanje. Smatra se da je Makarska dobila ime po obližnjem selu Makru. Prvi stanovnici područja današnje Makarske su bili Iliri, koji su još u 4. stoljeću osnovali naselje po imenu Muccurum. Ime Makarska prvi se put spominje u dokumentu iz 16. st., za vrijeme turskih osvajanja. Turci su u Makarskoj držali vojsku i carskog poreznika. Poslije turske, Makarska je pala pod mletačku vlast, potom pod Habsburšku Monarhiju. Nakon Napoleonovih pobjeda početkom 19. st. i Makarska je pala pod njegovu vlast. Napoleon je poticao kulturu i gradio ceste koje su povezale Makarsku s ostalim primorskim gradovima. Na zapadnom ulazu u grad podignut mu je spomenik, danas poznat kao Napoleonov spomenik. Iako je Napoleon poticao razvoj kulture i povezanosti Makarske, Austro-Ugarska je bila zaslužna za cvjetanje turizma. Razgledavanje grada. Po završenom obilasku povratak u hotel. Noćenje.

3. dan Zaoštrog – Šibenik – NP Krka

Doručak. Slobodno vrijeme ili mogućnost šetnje uz obalu do Drvenika uz pojašnjavanje o moru, biljnom i životinjskom svijetu – prilika za upoznavanje sa Drvenikom. Ručak. Poslije ručka odlazak do Šibenika te obilazak ovog grada u pratnji stručnog vodiča. Posjeta Nacionalnom parku Krka poznatom po velikom broju jezera i slapova. Ime je dobio po rijeci Krki koja je dio parka. Nacionalni park se nalazi samo par kilometara sjeveroistočno od grada Šibenika. Obuhvaća područje uz rijeku Krku koja izvire u podnožju planine Dinare kod Knina, teče kroz kanjon dug 75 km, protječe kroz Prokljansko jezero, te utječe u Šibenski zaljev. Prostire se na 142 kvadratna kilometra, od kojih 25,6 kvadratnih kilometara čini vodena površina. Rijeka Krka danas ima 7 sedrenih slapova i njene ljepote predstavljaju prirodni fenomen. Povratak u Zaoštrog. Večera. Završna večer. Noćenje.

4. dan Zaoštrog – Etno selo Herceg – Blagaj – Mostar – odredište

Doručak. Check-out. Polazak prema Etno selu Herceg gdje će učenici imati priliku da se upoznaju sa načinom života u Hercegovini, a nakon posjete Etno selu Herceg idemo prema Blagaju u posjetu Tekiji na Vrelu Bune. Tekija na Vrelu Bune u Blagaju predstavlja značajan spomenik kulture iz ranog turskog doba u Bosni i Hercegovini. Ručak u Blagaju. Polazak prema Mostaru. Slobodno vrijeme. Povratak prema Sarajevu.

28. Izvedbeni plan: Kao prilog 5;
29. Period na koji se zaključuje ugovor: Ugovor se zaključuje jednokratno i traje do izvršenja usluga, nacrt Ugovora je kao prilog 6;
30. Zahtjevi po pitanju jezika: Ponude moraju biti napisane na jednom od službenih jezika u Bosni i Hercegovini, otkucane ili napisane neizbrisivom tintom.

31. Način dostavljanja ponude: Poštom ili lično na adresu škole u zatvorenoj/zapečaćenoj koverti sa posebnom naznakom: „ Za oglas - ne otvaraj (otvara Komisija)“.
32. Adresa na koju se ponuda dostavlja:
JU OSMA OSNOVNA ŠKOLA “AMER ĆENANOVIĆ” ILIDŽA
Ul. Ilirska br.2
71 210 ILIDŽA
33. Provođenje pregovaranja i/ili diskusije sa ponuđačima ako je to neophodno:
Škola sa ponuđačem neće obavljati nikakve pregovore u vezi sa ponudom. Pojašnjenje ponude može tražiti samo pismenim putem, a ispravku grešaka može vršiti samo ako su aritmetičke prirode i to pod uslovom da je odobrio ponuđač. Ako ponuđač ne odobri ispravku greške ponuda se odbacuje.
34. Transparentnost rada Škole/Komisije: Ovaj poziv uz Izvedbeni plan će biti objavljen na web stranici Škole. Svi ponuđači mogu prisustvovati javnom otvaranju ponuda.

POSEBNE NAPOMENE

- Plan aktivnosti je podložan promjeni uz dogovor Škole i Agencije.
- Za sve navedene aktivnosti: boravak, prevoz, posjete, ulaznice i ostalo nema posebnih plaćanja, odnosno sve je uračunato u cijenu ekskurzije.
- Odabrani ponuđač je dužan da prije potpisivanja ugovora dostavi potrebne dokumente/dokaze u originalu ili ovjerenoj fotokopiji koje je dokazivao s izjavom.

Dostaviti:

- Naslovu
- Web stranica škole

Direktorica škole

/Edisa Radončić, prof./

PRILOG 1

IZJAVA O GARANCIJI

NAZIV PONUĐAČA: _____
PONUDA BROJ: _____

U cilju odziva na javni poziv, kao potpisnici ovog POD PUNOM MORALNO, MATERIJALNOM I ZAKONSKOM ODGOVORNOŠĆU

IZJAVLJUJEMO

DA GARANTUJEMO DOBRO IZVRŠENJE UGOVORENOG POSLA.

Ime i prezime osobe koja je propisno ovlaštena da predstavlja vodeću firmu:

Potpis: _____

Pečat firme/preduzeća:

Mjesto i datum: _____

PRILOG 2

IZJAVA O ISPUNJAVANJU USLOVA

NAZIV PONUĐAČA: _____

PONUĐA BROJ: _____

U cilju odziva na javni poziv, kao potpisnici ovog POD PUNOM MORALNO, MATERIJALNOM I ZAKONSKOM ODGOVORNOSTU

IZJAVLJUJEMO

DA POSJEDUJEMO Dokaz o posjedovanju odgovarajuće licence i dokaz o ispunjavanju drugih uslova za obavljanje registrirane djelatnosti.

Ime i prezime osobe koja je propisno ovlaštena da predstavlja vodeću firmu:

Potpis: _____

Pečat firme/preduzeća:

Mjesto i datum: _____

IZJAVA O VOZAČU/IMA AUTOBUSA

NAZIV PONUĐAČA: _____
PONUDA BROJ: _____

U cilju odziva na javni poziv, kao potpisnici ovog POD PUNOM MORALNO, MATERIJALNOM I ZAKONSKOM ODGOVORNOŠĆU

IZJAVLJUJEMO

da vozač/i, koji će biti anagžovan/i kao vozač/i autobusa u toku ekskurzije, posjeduje/u profesionalnu obučenosť i kompetentnosti kao i psihofizičke sposobnosti da može/gu upravljati autobusom.

Ime i prezime osobe koja je propisno ovlaštena da predstavlja vodeću firmu:

Potpis: _____

Pečat firme/preduzeća:

Mjesto i datum: _____

IZJAVA O VODIČU

NAZIV PONUĐAČA: _____
PONUDA BROJ: _____

U cilju odziva na javni poziv, kao potpisnici ovog POD PUNOM MORALNO, MATERIJALNOM I ZAKONSKOM ODGOVORNOŠĆU

IZJAVLJUJEMO

da vodič, koji će biti anagžovan kao pratnja učesnicima ekskurzije, ima položen stručni ispit za turističke vodiče.

Ime i prezime osobe koja je propisno ovlaštena da predstavlja vodeću firmu:

Potpis: _____

Pečat firme/preduzeća:

Mjesto i datum: _____

**IZVEDBENI PLAN EKSKURZIJE:
ZAOSTROG**

Školska 2024/2025. Godina

<i>Sadržaj</i>	<i>Izrada sadržaja</i>
	<p>Obrazovni</p> <ul style="list-style-type: none"> ➤ upoznati učenike/ce sa porijeklom imena Bosne i Hercegovine, njenim geografskim položajem ➤ upoznati učenike/ce sa historijsko-teritorijalnim razvojem naše države, granicama i veličinom ➤ upoznati učenike/ce sa prirodno-geografskim obilježjima Bosne i Hercegovine /ruta putovanja/ sa akcentom na određene prirodne fenomene kojima obiluje naša država ➤ upoznati učenike/ce sa društveno-geografskim obilježjima naše države /ruta putovanja/ sa akcentom na kulturno-historijsko nasljeđe Bosne i Hercegovine
<i>Odgojno-obrazovni ciljevi i zadaci</i>	<p>Odgojni</p> <ul style="list-style-type: none"> ➤ razvijati ljubav prema domovini; ➤ razvijati privrženost prema domovini jer narod bez domovine je narod bez jasno istaknutog identiteta; ➤ razvijati poštivanje prema drugim državama, narodima, kulturama i religijama; ➤ socijalizacija u domenu regionalne pripadnosti (multikulturalnost, multietničnost, multireligioznost...) ➤ razvijati pravilan odnos prema prirodnoj sredini; ➤ očuvanje kulturno-historijskih spomenika koji predstavljaju "ličnu kartu" prošlosti svake zemlje; ➤ izgradnja pozitivnih osobina ličnosti (volja, upornost, tačnost, odgovornost, humanost, istrajnost u radu...); ➤ prihvatanje ljudskih normi ponašanja (pozitivan odnos prema ljudima i životnoj sredini, ličnoj i društvenoj imovini); ➤ poticati druženje i upoznavanje (maloljetnička delinkvencija); ➤ cijeliti život i ne činiti ništa što bi ga ugrozilo. <p>Funkcionalni</p> <ul style="list-style-type: none"> ➤ učenici/ce će steći saznanja o tome kako je Bosna i Hercegovina prošla trnovit put od nastanka do današnjih dana čime bi se u svijest učenika/ca trebali ugraditi još veće poštivanje i ljubav prema vlastitoj domovini; ➤ učenici/ce će steći osnovna saznanja o prirodno-geografskim i društveno-geografskim obilježjima Bosne i Hercegovine; ➤ razvijati kod učenika/ca samoinicijativu i snalažljivost te sposobnost promatranja i čitanja geografskih i historijskih karata; ➤ navođenje učenika/ca da logički donose zaključke; ➤ razvijati sposobnost određivanja dobrih i loših strana geografskog položaja te bitnih činilaca koji određuju regionalnu pripadnost;

- učenici/ce će trajnije zapamtiti geografsko-historijske činjenice vezane za Bosnu i Hercegovinu;

- Ekскурziji prethode pripreme kroz nastavu sa jakom korelacijom između nastavnih predmeta posebno iz domena geografije, historije i islamske vjeronauke (panoi, prezentacije i sl., o mjestima koja će se posjetiti).

- Učenici/ce će:

Sadržaji, metode i sredstva

- ✓ posmatrati samostalno ili u grupi planirati
- ✓ provoditi istraživanja
- ✓ samostalno ili grupno izvoditi zaključke
- ✓ izvoditi mjerenja
- ✓ razmatrati dokaze i procjenjivati
- ✓ prezentirati dokaze
- ✓ prenositi informacije u individualnom i timskom radu

Kroz:

- ✓ traženje ideja, posmatranje, izvođenje ogleđa, upoređivanje s rezultatima drugih grupa
- ✓ uz pomoć nastavnika/ca osposobljavati se za izradu plana istraživanja
- ✓ pratiti redoslijed uputstava tokom istraživanja i mjerenja
- ✓ prezentirati dobijene rezultate
- ✓ koristiti vlastitu kreativnost i maštu za dolaženje do rješenja
- ✓ koristiti jednoznačnu terminologiju, razumljivu učenicima u toku imenovanja i opisivanja živih bića, pojava i procesa u prirodi i društvu.

Ciljevi će biti ostvareni:

- ✓ realizacijom organizovane ekscurzije na relaciji
- ✓ Sarajevo – Konjic – Jablanica - Mostar - Zaostrog – Sarajevo
- ✓ povremeno zaustavljanje za obilazak prirodnih i kulturno-historijskih znamenitosti Bosne i Hercegovine
- ✓ obilazak grada Konjic, Jablanica, Mostar (ruta putovanja)

Nosioci predviđenih sadržaja i aktivnosti

- Nosioci predviđenih sadržaja i aktivnosti su učenici/ce, voditelji ekscurzije (razrednici IX razreda), direktorica škole u saradnji sa odabranom turističkom agencijom.

Planirani obuhvat učenika/ca

- Planirani obuhvat učenika/ca, za ekscurziju IX razreda koja je planirana za oktobar 2023. godine, je cca 55 učenika + 4 voditelja kao i stručni pratioci iz odabrane turističke agencije.

Dužina trajanja

- Dužina trajanja ekscurzije je 4 dana (uključujući vrijeme putovanja).

Planiranje putnog

- ✓ Sarajevo – Konjic – Jablanica - Mostar - Zaostrog – Sarajevo u

pravca i destinacije	saradnji sa odabranom turističkom agencijom.
Opis prijevoza i drugih usluga	<ul style="list-style-type: none"> ➤ prijevoz (luksuzni autobus) u saradnji sa odabranom turističkom agencijom (u skladu sa zahtjevima koji su postavljeni Pravilnikom koji tretira ovu oblast) smještaj u hotelu sa najmanje 3* na bazi tri puna pansiona, četiri dana, tri noći (odabrana turistička agencija) ➤ stručni pratilac grupe i organizacija putovanja (odabrana turistička agencija) ➤ lokalni mjesni vodič (odabrana turistička agencija) ➤ ulaznice u kulturno-historijske spomenike, muzeje i sl. (odabrana turistička agencija) ➤ putno i zdravstveno osiguranje (odabrana turistička agencija) <p style="text-align: center;">✓ sve navedene usluge trebaju biti uključene u jedinstvenu cijenu.</p>
Odredbe o upravljanju rizicima realizacije	<ul style="list-style-type: none"> ➤ Odabrana turistička agencija.
Finansijski okvir	<ul style="list-style-type: none"> ➤ Finansijski okvir je u skladu sa cijenom koju ponudi odabrana turistička agencija koja će biti izabrana od strane Komisije, a na osnovu pristiglih ponuda u skladu sa Pravilnikom koji tretira ovu oblast. <p style="text-align: center;">✓ sve navedene usluge (opis prijevoza i drugih usluga) trebaju biti uključene u jedinstvenu cijenu.</p>
Tehnička organizacija	<ul style="list-style-type: none"> ➤ Odabrana turistička agencija.
Način finansiranja	<ul style="list-style-type: none"> ➤ Roditelji/staratelji samostalno finansiraju odlazak učenika/ca na ekskurziju, uz prethodnu potpisanu saglasnost za odlazak.

PRILOG 7

Na osnovu člana 51. Stav (1) Pravilnika o organizaciji i realizaciji izleta, studijskih posjeta, ekskurzija, kampovanja/logorovanja, društveno/korisnog rada, škole u prirodi i drugih oblika odgojno - obrazovnog rada u osnovnoj i srednjoj školi ("Službene novine Kantona Sarajevo", broj: 15/22) i Odluke o izboru najpovoljnijeg ponuđača/Agencije, broj: _____ od _____ godine, zaključuje se

UGOVOR (NACRT) O REALIZACIJI UČENIČKE EKSKURZIJE

Između

1. _____ (Agencije), sa sjedištem u _____, u ulici _____, ID _____, koju zastupa _____ kao davalac usluga (u daljem tekstu: Agencija)
2. JAVNA USTANOVA OSMA OSNOVNA ŠKOLA „AMER ĆENANOVIĆ“ ILIDŽA, u ulici Ilirska broj 2 - Butmir, ID 4200333470008 (u daljem tekstu: Korisnik usluga), koju zastupa direktorica Edisa Radončić.

Član 1.

Ovim ugovorom utvrđuju se međusobna prava i obaveze između ugovorenih strana, a sve na temelju postojećih zakonskih propisa o Turizmu koji regulišu i štite interes Korisnika usluge i Organizatora putovanja (u daljem tekstu Agencija), te prema općim uslovima putovanja koji su sastavni dio ovog Ugovora.

Član 2.

Temelj ovog Ugovora je prihvaćena ponuda Agencije koja je ponuđena Školi sa svim potrebnim sadržajima, zajedno sa ostalim pojedinostima koje ista mora sadržavati. Agencija se obavezuje održati program ekskurzije u Zaostrugu sa rutom Sarajevo - Konjic - Jablanica - Mostar - Zaostrug - Sarajevo u terminu od 1.10.2024. do 4.10.2024. godine, a shodno prihvaćenoj Ponudi.

Član 3.

Ugovorene strane su saglasne da se plaćanje usluge, koja iznosi _____ KM po jednom učesniku, može izvršiti u tri jednake rate i to u iznosu od po _____ KM. Prva rata se plaća odmah nakon potpisivanja ugovora, druga rata neposredno pred putovanje i treća nakon usvajanja Izvještaja o realizaciji ekskurzije.

Ukupna cijena ekskurzije za sve učesnike iznosi _____ KM, te avansno plaćanje nije dozvoljeno. Uplate vrše roditelji na račun Agencije, broj _____, otvoren kod _____ banke.

Putničko i zdravstveno osiguranje je uključeno u cijenu.

Član 4.

Agencija se obavezuje da će za realizaciju ekskurzije osigurati jednog animatora i jednog licenciranog pratioca osiguranja (vodiča) za sve aktivnosti. Ista se obavezuje da će Školi osigurati gratis putovanja uz prethodni dogovor, a u skladu sa privaćenom ponudom.

Član 5.

Agencija se obavezuje da će za prevoz učenika obezbjediti autobuse visoke turističke klase, koji nisu stariji od 12 godina.

Agencija se obavezuje da će za smještaj učenika obezbjediti smještaj u hotelu 3*.

Učenici će biti smješteni u višekrevetnim sobama (1/2, 1/3 i 1/4) na bazi punog pansiona (doručak, ručak i večera) u Bihaću.

Član 6.

Agencija se obavezuje da će ispuniti sve obaveze koje proizilaze iz postojećih zakonskih propisa o Turizmu i drugih zakonskih propisa, a za koje se obavezala u privaćenoj ponudi. U slučaju prigovora ili primjedbi, Agencija se obavezuje iste riješiti u zakonskom roku i na način utvrđen Zakonom.

Član 7.

Agencija se obavezuje da će preuzeti odgovornost za plaćanje obeštećenja za neispunjene preuzete obaveze iz Ponude, ukoliko se utvrdi da je došlo do nepoštivanja istih njenom krivicom.

Ukoliko se nanese šteta u objektu realizacije ekskurzije, Škola je dužna naplatiti štetu od finansijera ekskurzije odnosno roditelja učenika i potom je isplatiti u cjelosti Agenciji.

Član 8.

Agencija se obavezuje naplaćeni novac vratiti Školi (odnosno učeniku/roditelju/staratelju) u slučaju da nadležno Ministarstvo za odgoj i obrazovanje Kantona Sarajevo strogo zabrani realizaciju ekskurzije na ovoj destinaciji i u slučaju bolesti nekog od korisnika što regulišemo validnom dokumentacijom pojedinca.

Član 9.

Sastavni dio ovog ugovora je Poziv za dostavljanje ponuda, te usklađeni Izvedbeni plan i program realizacije ekskurzije, opći uslovi putovanja i program putovanja, te pisane saglasnosti roditelja kojima se prihvataju opći uslovi putovanja, program putovanja i daje saglasnost za učešće učenika. Također, ponuda, koje je prihvaćena kao najpovoljnija, je sastavni dio ovog ugovora i sve obaveze koje proizilaze iz nje su ujedno i obaveze kojima se obje ugovorene strane obavezuju ovim ugovorom.

Član 10.

Ovim ugovorom su predviđeni penali kao garancija za dobro izvršenje ugovorenih obaveza Agencije, a u skladu sa Članom 51. Stav (4) Pravilnika o organizaciji i realizaciji izleta, studijskih posjeta, ekskurzija, kampovanja/logorovanja, društveno/korisnog rada, škole u prirodi i drugih oblika odgojno - obrazovnog rada u osnovnoj i srednjoj školi ("Službene novine Kantona Sarajevo", broj: 15/22). Ova vrsta obezbjeđenja će se koristiti samo ukoliko se ne ispoštuje nešto od ugovorenih obaveza.

Član 11.

Ugovorne strane će rješavati sve eventualne sporove sporazumno ili putem nadležnog Suda.

Član 12.

Ugovor je sačinjen u 4 (četiri) istovjetna primjerka, od kojih svaka strana zadržava po 2 (dva).

Korisnik usluga

JU Osma osnovna škola "Amer Ćenanović" Ilidža

/Edisa Radončić, prof./

M.P.

M.P.

Broj: _____/24

Sarajevo, ____ 2024. godine

Agencija

Broj: _____/24

Sarajevo, ____ 2024. godine